

Skot Productions
Sigríður Þóra Ásgeirsdóttir
Mörkin 4
Reykjavík

Hella 15. ágúst 2017
UST201708-058/H.Á.
09.06.01

Efni: Umsókn um akstur utan vega, kvikmyndataka við Heklurætur

Umhverfisstofnun hefur móttækið umsókn Skot Productions 9. ágúst 2017, um leyfi til að aka utan vega við rætur Heklu í Rangárbíngi Ytra dagana 16. eða 17. ágúst nk. vegna ljósmynda- og kvikmyndatöku.

Umhverfisstofnun er heimilt, ef nauðsyn krefur, að veita leyfi til þess að aka vélknúnum ökutækjum utan vega vegna kvikmyndagerðar, ef ekki er unnt að vinna viðkomandi störf á annan hátt, sbr. 3. mli. 2. mgr. 31. gr. laga nr. 60/2013, um náttúruvernd.

Lýsing framkvæmdar:

Um er að ræða gerð auglýsingar fyrir góðgerðarfélagið Á allra vörum sem er með átak í september nk. þar sem safna á fyrir nýju húsnæði undir starfsemi Kvennaathvarfsins. Leikkona með barn í fanginu mun hlaupa um sandinn fyrir utan veginn og sexhjól mögulega keyra meðfram til að mynda leikkonuna á á hlaupum. Starfsmenn munu vera með greiðu með sér til að laga jarðveg eftir að tókum lýkur. Starfsmenn munu vera í heildina 12.

Meðfylgjandi umsókn eru staðsetningarpunktar fyrir tvo mögulega tókustaði þar sem óskað er eftir að aka utan vega og mun annar þeirra verða fyrir valinu. Tökurnar munu fara fram á svörtum sandi.

Áhrifamat:

Samkvæmt 1. mgr. 31. gr. laga nr. 60/2013 um náttúruvernd óheimilt að aka vélknúnum ökutækjum utan vegar. Heimilt er, ef nauðsyn krefur og með sérstöku leyfi Umhverfisstofnunar, að aka vélknúnum ökutækjum utan vega vegna starfa við viðhald skála og neyðarskýla og vegna kvikmyndatöku, enda sé ekki unnt að vinna viðkomandi störf á annan hátt sbr. 2. mgr. 31. gr. laganna. Svæðið sem óskað er eftir leyfi til aka utan vegar á er á náttúruminjaskrá (nr. 703).

Skilyrði:

Umhverfisstofnun veitir fyrir sitt leyti leyfi til þess að aka utan vega á tilteknum svæðum skv. meðfylgjandi staðsetningarpunktum að uppfylltum eftirfarandi skilyrðum:

- Tilkynna skal til Umhverfisstofnunar hvenær undirbúningur fyrir tókur hefjast og þegar frágangi lýkur.
- Lokaafurð verkefnisins, þ.e. auglýsing sem ætlað er að birta á opinberum vettvangi skal vera í samræmi við þau skilyrði sem fram koma í leyfisbréfi þessu. Ef utan vega akstur

kemur fram í auglýsingu áskilur Umhverfisstofnun sér rétt til þess að krefjast þess að settur verði inn texti með áberandi hætti í auglýsinga þar sem fram kemur að akstur utan vega sé óheimill á Íslandi.

- Umhverfisstofnun skal tilkynnt um öll frávik við áður útgefna verkefnalýsingu.
- Þess skal gætt að valda sem minnstu raski og fjarlægja öll ummerki um utan vega aksturinn að tókum loknum. **Umferð farartækja utan vega takmarkast við það svæði sem tókur fara fram á. Akstur utan vega skal einungis fara fram á tilgreindum svæðum skv. meðfylgjandi staðsetningarpunktum. Einungis skal ekið á svörtum gróursnauðum söndum á fyrrgreindum svæðum.**
- Starfsmenn við kvikmyndatökuna gangi snyrtilega um svæðið og forðist allt rask.
- Allur akstur utan vega og merktra slóða er óheimill. Á þetta einnig við um slóða sem eru aflagðir og búið að loka. Óheimilt er að leggja bílum utan vega nema skv. 1. mgr. 31. laga um náttúruvernd bílbreidd frá vegi ef að veldur ekki náttúruspjöllum eða slysaþættu.
- Koma skal fyrir merkingum við tókustað að um leyfi fyrir framkvæmdinni hafi fengist hjá Umhverfisstofnun.
- Starfsmenn við kvikmyndatöku skulu sjá til þess að vegslóðar sem myndast við utan vega akstur verði ekki villandi fyrir aðra gesti svæðisins og sjá til þess að óviðkomandi aðilar aki ekki þá vegslóða.
- Gæta skal að mengunarvörnum bifreiða og þess gætt að mengandi vökvar berist ekki í jarðveg.
- Afmá skal öll ummerki um kvikmyndatökunar á svæðinu þegar þeim er lokið.
- Ganga skal snyrtilega um svæðið og þess gætt að allt rusl verði fjarlægt.
- Óheimilt er að raska gróðri og jarðminjum.
- Óheimilt er að trufla dýralíf.
- Kynna skal fyrir starfsfólki kvikmyndatökunnar þau skilyrði sem fylgja leyfinu áður en undirbúningur og tókur hefjast.
- Ef upp koma álitamál um framkvæmdir sem tengjast tókunum og frágang svæðisins skal hafa samband við Umhverfisstofnun.

Ábendingar

Umhverfisstofnun bendir á að samþykki landeigenda þarf fyrir tókunum. Sækja þarf um leyfi til sveitafélags.


Gjald

Umhverfisstofnun innheimtir gjald vegna vinnslu og afgreiðslu umsóknar um leyfi til aksturs utan vega í tengslum við kvikmyndagerð. Gjaldið er kr. 39.400, sbr. 24. gr. a. í gjaldskrá Umhverfisstofnunar, nr. 535/2015.


Eftirlit

Umhverfisstofnun mun fara með eftirlit með framkvæmdinni og frágangi. Innheimt verður fyrir eftirlitið samkvæmt gjaldskrá stofnunarinnar, nr. 535/2015, 13.200 kr./klst.

Virðingarfyllst



Sigrún Ágústsdóttir
sviðsstjóri



Hákon Asgeirsson
sérfræðingur